

# عودة خضرة الشريفة

( مسرحية من ثلاثة فصول )

عبد الله مهدي

الطبعة الأولى - أبريل ٢٠٠٢



ثقافة الشرقية

سلسلة روى شرقية

عودة خضرة الشريفة / مسرحية

المؤلف / عبد الله معدي

الطبعة الأولى إبريل ٢٠٠٢ م

المراسلات : باسم مدير التحرير التنفيذي

الزقازيق - ثقافة الشرقية





رئيس الإدارة المركزية  
**محمد عبد المنعم**  
رئيس إقليم شرق الدلتا الثقافي


رئيس مجلس الإدارة  
**فتحي حامد عقل**  
مدير عام ثقافة الشرقية

مدير إدارة الخدمات الثقافية  
**سامي البلتاجي**

الإشراف الإداري  
**مهير مكاي**

مدير التحرير التنفيذي  
**إبراهيم عكيلة**

مستشارو التحرير  
أد/ صابر عبد النديم - د. الشحات الغمري  
أ. فريد طه



## الإهداء

إلى رمزين شامخين من رموز الشجاعة ،  
العربية الأصيلة ..

الفارس / عمرو موسى


الأمين العام لجامعة الدول العربية .

الإعلامي الكبير / حمدي فتدیل

وإلى الشعبين الصامدين ..

العراقي ، والفلسطيني .

عبد الله &





## الشخصيات الرئيسية


- ١- الزاوي : فلاح يناهز الستين من العمر ، واع بالظروف الاجتماعية ، كبير عائلته ، يساعد في حل المشاكل بين أهالي القرية .
- ٢- ممدوح : ابن الزاوي ، حاصل على بكالوريوس الهندسة قسم بترول ، يعمل بالعراق منذ أكثر من أحد عشر عاما .
- ٣- مجاهد : ابن الزاوي ، متقن واعى ، حاصل على بكالوريوس سياسة واقتصاد وبدون عمل .
- ٤- أمال : ابنة الزاوي ، حاصلة على ليسانس أداب قسم لغة عربية ، والأولى على القسم ، وتعشق التراث الشعبي .
- ٥- عثمان : مساعد أول في وزارة الداخلية ، يعمل في أحد أقسام الشرطة بالقاهرة ومقرب للمأمور وأخو الزاوي الأصغر .
- ٦- نوال : زوجة عثمان ، فلاحه واعية ، تعشق التلفزيون ، لم تكمل تعليمها بعد أن حصلت على الابتدائية لزواجها .
- ٧- عواد : ابن عثمان في الفرقة الرابعة بكلية التربية النوعية قسم المسرح .
- ٨- هدى : ابنة عثمان في السنة النهائية لـدبلوم التجارة وتهوى التمثيل .
- ٩- سيدهم : فلاح مسيحي يناهز السبعين من عمره ، واع بما يدور حوله من أحداث .
- ١٠- غطاس : ابن سيدهم ، زميل أمال ، وحاصل على ليسانس الأدب ، ويهوى التجارة ويمارسها .
- ١١- القزاح : فلاح في الخمسين من عمره .



الديكور :-


في ليلة مقمرة من ليالي الصيف ، يجلس على مدار  
الساقية مجموعة من الناس مختلفة الأعمار ~~من مختلف~~ وقد  
لبست ملابس العمل والفلاحة في الأرض ، وذلك لتغريق  
الأرض لشتل الأرز بها .

• من الأفضل إجراء العرض في الخلاء بعدا عن خشبة المسرح .



## الفصل الأول

[١٣]



[ في ليلة صيفية مقمرة يجلس مجموعة من الناس

مختلفة الأعمار يتسامرون ]

- الزاوي : الميه قدمها كثير على م توصل .  
عواد : حاجة بسيطة يا عمي .  
عثمان : والسدود ؟..  
مجاهد : زى الحديد .  
عواد : الترعة مكبوسة ع الآخر .  
عثمان : التساهيل على الله .. الرز مش بيعوز غير  
التغريقه دى .. وتمليته سهله .  
عواد : كل أسبوع قبل الفجر أجي أنى ومجاهد نعلق  
الحمير .. نخطف الشوية الميه اللي م تحوشين  
في المزقة قبل ما حد بييجى يلهمهم .  
الزاوي : الميه السنه دى ح تبقى كثير .. الترعة اللي  
مزقتنا بتاخذ منها الميه عملوها ترعة رئيسية ..  
مجاهد : يعنى إيه ؟..  
الزاوي : كمن الفروع اللي بتاخذ منها كثير مش ح تخله

من الميه ..

عثمان : (ببشاشة) والله يبقى كويس قوى ... فاكّر زمان  
يا زاوي ..

الزاوي : الله يرحم اللي فكروا ف السد وبنوه ..

مجاهد : الله يرحم كل حاجة عملها ..

عثمان : كفاية اللي حصل للقطاع العام ، والمستأجرين .

عواد : الدنيا مش بتقف .. يعنى الزقيه زمان زى  
دلوقتى ..

الزاوي : لاه طبعا .. زمان كنا نتعلق ف الطنبور  
بالأسبوعين عشان نغرق الفدان ده ..

عثمان : رغم الشقة .. كنا بنحب ليالي الزقيه قوى ..

الملقه كلها بيسهروا مع بعض منتظرين مجى  
الميه في الترعَة ، وكانوا بيسلوا بعضهم بالسمر

الزاوي : ولما يحسوا بمجى الميه .. ينفض السامر  
ويغرقوا ف الشقه .

مجاهد : دلوقتى كل واحد بيجر مكنته وييجى يدورها  
ساعة ولا اتنين لحد ما يخلص ويسحبها ويمشى



- .. كل واحد بقى عايش لوحده .
- عواد : مش عارف إيه اللي حصل ..!
- عثمان : انتوا عارفين .. الناس في ناحيتنا داهيه كانوا كل  
ليله بعد صلاة العشا ، يقعدوا يتسامروا ويحكوا  
على بوابة الشارع .. ولما واحد يغيب منهم  
يسألوا عنه .
- مجاهد : البركة في التلفزيون ..
- عواد : والله الواحد شاف الناس كام مره وهما بتسلمروا  
ولا أحسن ممثل .
- مجاهد : دا دورك بقي يا عواد تدور على الحاجات الحلوة  
جوانه وتكبرها .
- عثمان : مسير الناس تزهق تمثليات وأفلام .
- عواد : لسه بدرى بابيه .. الدشاش مش ح تخليهم  
يزهقوا ..
- الزاوي : دشاش إيه ؟
- عثمان : دى مليه سطوح العمارات في القاهرة ياخويا ..  
وبلدنا شفت فيها خمسة أو ستة .

- الزاوي : هي بتعمل إيه ؟..
- عثمان : بتخلّي التلفزيون يجيب الأجانب وهمه مسيحين على بعض .
- الزاوي : (باستغراب) يا ابن الكلب يا مجاهد ..
- عواد : في إيه يا عمى ؟..
- الزاوي : الواد ابن الكلب دا هو (مشيرا إلسى مجاهد) عايز يجيب واحد ..
- مجاهد : دا بلدنا عاد فيها سته ولا سبعة .. منعها يا به مش حل
- عواد : انتم عارفين إن بعد سنتين أو ثلاثه الدنيا كلها ح تسيح على بعضها من غير دش .
- الزاوي : يا ستار .. يا خفى الألفاف نجنا مما نخاف
- عثمان : وبعدين .. دا لو ده حصل ح نضيع !..
- مجاهد : ممكن يا عمى م نضعش ولا حاجة ..
- عثمان : إزاي يا مجاهد ؟.
- مجاهد : نفهم ديننا ونتمسك بيه صح .
- عواد : "مقاطعا" وبرضوا ، عاداتنا وتقليدنا .. لازم

نتمسك بيها ونحافظ عليها .  
عثمان : "أمك وهدى وآمل" جايين بالأكل هناك أهم .  
عواد : كويس .. الواحد جاع ..  
مجاهد : دا الواحد ما بيتعشاش فى الجو ده خالص .  
عواد : أشوييت الشغل اللى الواحد اشتغلهم ف الأرض  
جوعوه ( تدخل نوال ، آمال ، هدى ، عليهم ..  
يقوم عواد ومجاهد لحمل الطعام عنهم )  
نوال آمال هدى : السلام عليكم .  
المجموعة : وعليكم السلام ورحمة الله وبركاته .  
نوال : شايفه الميه وأنا جايه باننت فى الأرض .  
عثمان : لما تروحوا إنشاء الله اقضولنا الشتاله .  
نوال : قضيتهم يا خويا .. ع العصر بكره .. ربنا ما  
يجبش شين .. لما عرفت إن الميه حلوة فى  
الترعة ونزلت الأرض .. رحت بيت عليهم على  
طول ..  
الزاوي : إيه اللى عرفك ..؟

- آمال : غطاس أبو سيدهم .
- الزاوي : الواد ده جدع قوى .
- عثمان : (يفتش في الأكل) جاييين لنا إيه يا نوال .
- نوال : اللي مرات العميد مديهلك ليلة امبارح .
- الزاوي : (يفتش في الأكل) إيه ده .. ؟
- عثمان : سمعت معازيم عيد ميلاد بنت العميد بيقلوا دا أكل امريكانى .
- مجاهد : حتى المعدة مش ح تسلم منهم .
- الزاوي : عملينوه من إيه ده ؟..
- آمال : (تقلب وتفتش داخله) باين اهو من دقيق القمح وشويت سمنه وحاجات حاطنيها عشان تغير الطعم ..
- عواد : يعنى فطير ع الموضه ١٢٠٠ ؟
- مجاهد : بس فطيرنا لا فيه اشعاع ولا هندسة وراثية .
- آمال : لنا جبيلكم فطير ماصل وحتتين جبنه حانقه .
- عثمان : آمال اللفة دى فيها إيه يا آمال .
- آمال : فيها بركات سيدك السيد البدوى يا عمى .

المجموعة : مدد .. مدد .. مد .. مد .... د.

هدى : حمص وحلاوة .

الزاوي : الحمد لله وفيت بالندر قبل ما اموت .

نوال : بعد الشر عليك يا عمى ربنا يدك طولت العمر

وتجوز عيالهم .

الزاوي : بس أجوزهم يا نوال مفيش حد ضامن عمره ..

طمعان بس في كرم ربنا يخلينى لحد ماشوف

ممدوح ابني تانى .

عواد : إنشاء الله يا عمى ح تشوفه وح تجوزوا كمان .

مجاهد : إنشاء الله ممكن يطب علينا ف أى وقت .. الأخ

اللى رحلته أنا وعواد طمنا عليه وقالنا ممكن

ينزل ف أى وقت .

عثمان : مش عارف إيه اللى يخلي راجل مهندس كد

الدنيا يسبب بلده ويسافر !..

هدى : ومهندس بتروا كمان .

مجاهد : اللى خلا ممدوح يسافر القرف اللى لقاء في كل

حته في بلده لما حب بطور في النادي ويحييه ،

ويطهره من اللي نهيوه اتهضوه .

عواد : دا حاربوا أي فكرة بيحاول ينفذها عشان تخدم بلده .

آمل : ولما حب يشتغل ملقاش غير شرك أجنبية بتمص دم العامل .

مجاهد : الشرك دي بتاعت اخطف واجرى .. ما يقدرش ممدوح انه يوالس معاها فساقر العراق .

عثمان : ما كان يروح أي دوله من دول الخليج اللي مليانه فلوس !..

مجاهد : هو بيحب العراق .

عواد : والله العراق تتحب ، الناس بتروح العراق بميت جنيه ولا فيروس ولا عقد ولا عشر تلاف جنيه.

آمل : خساره اللي بيحصل للعراق ده ، اتفق عليه كل الشياطين .. الأطفال عماله تموت ولا حد سائل.

نوال : إذا كان أخوه العربي مش سائل .

الزاوي : ربنا يجيبوه بالسلامة .

مجاهد : مش قلنتك يا به إن زميله اللي لسه نازل من

يومين قاللى ممكن بييجى فى أى وقت لأنه دلوى  
ينزل .

عثمان : ما تشغلش دماغك يا خويه اللى ف علم ربنا ح  
يكون .

هدى : (بشفقة) ربنا ح يجيبوه بالسلامة يا عمى إنشاء  
الله ..

الزاوي : ندرن عليه يا هدى لو جه وأنا عايش لجوزكم  
لبعض على طول .

نوال : ربنا يجيبوه بالسلامة بس يا عمى وهدى ح  
تلاقى أحسن منه ففين .. بس تخلص الدبلوم .

الزاوي : بلا دبلوم بلا بتاع .. بتوع الكليات واقف حالهم  
اهوه .

عثمان : والله يا خويه كلامك مضبوط .

مجاهد : العلم ملوش دعوة بالشغل .

عواد : الناس المفروض تتعلم عشان تتطور وتشوف  
الدنيا صح من حولها .

مجاهد : واللى يشوف الدنيا صح من حوله عمره ما ح

بشتغل في الحكومة ولا ح يستناها .

عثمان : دا موظف الحكومة يستحق الزكه .

آمال : (توزع الحلوى) اتفضلوا بركات شيخ العرب ..

عثمان : مدد يا بدوى .. حد قدك يا بنت أخوية .. آخر

العنقود سكر معقود .

مجاهد : أبويه الحمد لله وفى بندره .. وديح خروف ف

خيمة أولاد عنان بابوا فراج .

عثمان : ما هو لازم يوفى .. آخر ولادوا اتعلمت تعليم

عالي وطلعت كمان الأول على الكلية .

هدى : وكل الجرايد جابت صورتها .

عثمان : ربنا يكرمك ويعينوكى فى الكلية يا آمال .

آمال : التعيين ده مشكلة يا عمى .. حاجات كتيره

ببتحكم فيه.

مجاهد : دلوقتى يا عمى التعيين فى أى حاجة ببتحكم فيه

حاجات كتيرة .

عواد : يعنى واحد زى مجاهد المفروض يتعين فى

وزارة الخارجية .. !!



- آمل : المفروض مش ماشى عندنا يا عواد ..
- هدى : انتوا قلبتوا القعدة غم ليه كده .. احنا ح نصلح  
الكون أهم حاجة إن الواحد يعمل اللي عليه  
وخلص .. انتوا عارفين لو ممدوح ابن عمى  
معانا كان عمل إيه ؟
- عواد : كان ح بخلينا نتسامر ، وكل واحد عنده حدوته  
حيقولها
- هدى : ولاد عمك يا عواد كلهم بييموتوا في الترات  
الشعبي .
- آمل : كل اللي ورثاه عن شعبنا مهم اللي نحافظ عليه  
لأنه هو شخصيتنا ..
- نوال : ح دنكوا نتفلسفوا علينا كتير .. ح تعملوا زى  
اللى بيحجوا ف التلفزيون ، ومفيش حد بيفهم منهم  
حاجة .
- هدى : بس انت يامه بتفهمي كل حاجة .. انتى وخده  
ابتدائية قديمة زى العقاد بالطبط .
- الزاوي : دخلينا انتى رخره يا هدى ف عقد زيه .

- عثمان : ما تيجوا نتسامر .
- الزاوي : الله يمسيه بالخير ممدوح كان ديمما يموت ف  
نصب السامر ويخلي كل الموجودين يشاركوا فيه
- مجاهد : طب وإيه الحدوة اللي ح نتسامر عليها .
- آمال : حدوة خضرة الشريفة اللي درستها وسمعتها في  
مولد السيد البدوي .
- عواد : انت اخترتي حدوته على هواك يا آمال .
- نوال : دي حدوته في قلبنا كلنا سمعناها في المولد .
- هدى : وعلى التسجيل مهى متسجلة على شريط عندنا  
يامه .
- آمال : بس لازم تعرفوا حاجة مهمة قوي .
- عواد : إيه هيه ؟
- آمال : الفنان الشعبي ببيل ويغير في الحدوة عشان  
يخدم الواقع اللي هوه عايشه .
- الزاوي : ما هو لازم يغير عشان الناس ما تملش .
- عواد : فاهم قصدك يا آمال وعشان كده بصفتي مخروج  
العمل وواحد من أبطاله ، لازم اللي يدخل معانسا

السامر يغير ويبدل في الحدوته .

مجاهد : ما دام ح نغير يبقى فيه شخصيات جديدة ح تدخل في الحدوته .

عواد : طبعاً..(بصمت برهة) كل مشهد ح نحدد الشخصيات اللي ح توصله .

عثمان : اتفرلك علينا يا خويه باللي بتكرسه .

عواد : انت يامه نوال ح تاخدى دور أم جابر وأنا هاخذ دور ابنها (يصفق عواد ثلاث تصفيقات)

عواد : (يقترب من نوال أمه وهو شبه مخمور) أنا عايز فلوس.

نوال : ما انت منصف عليه أول بأول يا جابر يا بنسى انت مش لسه واخذ كل اللي معاينة امبارح .

عواد : (يعبث بملابسها وتقاومه) م...مليش د...دعوة اصرفى خضره وابوه مش ..مش بيد...دوكى اجرتك.

نوال : ما تشتغل يا بنى بدل ما انت عايش صرمحه كده ..تعرف بعد كده تتجوز وتعيش حياتك يا حبيبي

- عواد : هوه فيه شغل مناسب ليه ( بدأ يتمالك نفسه بعد  
أن وضع ماء من الوعاء على رأسه )
- نوال : انت عايز شغل على مزاجك .
- عواد : يا دى ..مزاجى .
- نوال : (بأس) مش عارفه إيه اللي جراك من ساعة ما  
اتجوزت زبيدة (مفرح) وسبتك !!..
- عواد : (ثائرا) زبيدة ليه وزفت ..ما أنا كل يوم متجوز  
واحده (يتوقف التشخيص)
- الزاوي : يبقى بتجوز عرفى ..
- عواد : (يخرج عن الشخصية) طبعا.. كثير من زملاى  
فى الكلية متجوزين عرفى ..
- مجاهد : الموضوع ده انتبهر قوى !!..
- آمال : مش فى الجامعة بس ..دا فى كل حته .
- نوال : (تخرج عن الشخصية) شباب بيكبر ، والجواز  
عايز شقه ووظيفة .
- عثمان : ولا فيه شقه والوظايف ودعت مع الخصخصة .
- الزاوي : خد بالك يا عواد انت دلوقتى الواد "جابر" وانتى

يا"ام جابر" (ويشير إلى نوال)

(ينتهيان ، ويعودان إلى التشخيص )

عواد : زبيدة بتموت في الفلوس وفيه ..بس الفلوس  
غلبت حبنا "مفرح" فلوس عمه "أبو خضره"  
تحت ايده .

نوال : يبقى انت مش عارف حاجة ..الفلوس كلها  
والشغل كله مسكاه خضره ومفرح ببساعدها .

عواد : مش تقرفيني بقى بكلامك الماسخ ، اللي طير  
شوية البانجو من دماغى (يقترّب منها ويفتشها  
ويخرج من جيبها بعض النقود)  
(يتوقف التشخيص)

الزاوي : إيه اللي حذف علينا البلوه دى ..!

عثمان : العميد بتاعى بيقول لما البواعد غاروا من سيننا  
زرعوه في أرضها هدية لشبابنا ..

هدى : الكفرة دول مش ح يسبوننا في حالنا .

نوال : ما اتخلونا في سامرنا أحسن .

هدى : لو ممدوح ابن عمى اللي ماسك السامر كان خلا

الكل التزم ..

عواد : (بثورة) يعنى أنا مانفعلش أكون مخرج بإهدى  
..دا مشروع التخرج بتاعي واخد اعلى الدرجات  
فى القسم...؟

هدى : طب ما تفرجنا يا خوية وتبين لنا بركاتك .  
عود : ماشى ..عمى الزاوي ياخذ دور "أبو  
خضرة" وآمال يح تاخذ دور "خضرة" ، ومجاهد  
"مفرح" ، وهدى "زبيدة" ( يصفق عواد بيديه  
ثلاث تصفيقات )

الزاوي : هى أم جابر مالها يا خضرة ؟..  
آمال : جابر دايما يضربها عشان الفلوس .  
مجاهد : ولما قالوا دا ولد .. (بسخرية) الأسر والعائلات  
انفتحت

آمال : الكفرة دخلوا دماغ شبابنا نقاليع غريبة .  
الزاوي : إزاي ؟..  
آمال : انت يابه دايما عايش في حضن سيدى أبو فراج  
الزاوي : (مقاطعا) مش داري باللى بيحصل حوليه ...،

... مدد باسیدی احمد یا بدوی .

- آمال : (ثأله) الكفرة استعمروا دماغ الناس .  
(تتوقف عملية التشخيص)
- هدى : المجلات والكتب اللى مالیه الرصيف وكلها  
بنتكلم عن موضوعات منحلّه .
- عثمان : ولا اعلانات الأفلام البايظه اللى على جدران  
الشوارع
- آمال : (تخرج عن التشخيص) هى المخدرات ولا  
التعصب أساسهم إيه ؟
- مجاهد : (يخرج عن الشخصية) استعمرت افكارهم دماغ  
شبابنا .
- عثمان : الناس دى عايزه منا إيه..!؟
- عواد : عشان نفضل متخلفين ومش قادرين نرسم  
مستقبلنا ومحتاجين لهم دايما .
- مجاهد : ويمسحوا من دماغتنا ديننا وتاريخنا وعاداتنا  
ويحطوا مكانهم تاريخهم وعاداتهم وسلوكهم .
- آمال : (مرتلة قول الله تعالى) يريدون ليطفنوا نور الله

- بأفواههم والله متم نوره ولو كره الكافرون "
- الزاوي : (يظهر صوته مع الجميع) صدق الله العظيم .
- عواد : خدوا بالكم ، انتم خرجتم عن التشخيص .. انتى  
ياهدى اللى بدأتى .. (يعودان للتشخيص)
- الزاوي : ربنا والحمد لله انعم عليه بفلوس كتير ، لازم  
نسخرها لخدمة بلدنا .
- مجاهد : فيه مشروعات كتير محتاجاها (يقف  
التشخيص)
- هدى : المفروض يكون عندنا اعلام صح يواجه اللى  
بيبعته لنا الكفرة دول . (يعود التشخيص)
- أمال : ح نجمع العلما بتوعنا ونشوف عايزين ايه عشان  
نعرف نواجه البوعده دول .
- مجاهد : ونحاول نخلى كل الشرفه اللى بيحبوا بلدهم  
وربنا اداهم يسعوا معنا .
- هدى : (مشخصة دور زبيدة زوجة مفرح) انتى فين يا  
خضرة ، انشغلت عن صحبتك وشغلت جوزى  
معاكى .



- آمال : إزاي انشغل عن أختي ما تتسببش إن أنا اللي  
اخترتك لابن عمي مفرح .
- هدى : (بغوظ) إزاي أنسى ؟..
- آمال : إيه ده يا مفرح ؟ كل حاجة ف بيتك بتتطق باسم  
البعدة الفرش والستائر ؟..!
- مجاهد : دا اختيار صحبتك .
- هدى : هوه فيه حاجة عندنا لها قيمة ؟..!
- مجاهد : في حاجات كتيره لها قيمة وتستحق الشره .
- آمال : بس ممكن يكون نقصها إن تتعبه كويس ، تتغلف  
كويس ، وتتعرض للناس بشكل كويس .
- مجاهد : لازم نبحث عن اللي يميزنا .
- آمال : عمك سخر كل اللي بملكه لكده .. وفيه ناس  
تانيه زى عمك بتحب بلده عملت زيه .. ح تقف  
معانا وح تساعدنا .. أهم حاجة نبدأ نرسم سكه  
للشغل .
- مجاهد : إنشاء الله .. ح سيبك وح اشوفك بكره الصبح  
على خير . (وتخرج خضره )

هدى : ليه خضره بنت عمك ما تجوزتش لحد دلوقتی یا

مفرح ۱۴۰

مجاهد : انتی تعرفی اکثر منی .

هدی : (غاضبة) هی اللى اخترتتى لك ..ویاریتھا .. !

أف یاخى ملیت من عشتك وكلامك .

مجاهد (بهذوء) دى صحبتك ..وعارفه انها زهده ..

كل همها عمل الخير والإصلاح وبس .

هدی : خضره دى غریبه قوی !!.. جمال ..نضاره ..

مال ..دین ..مالهاش زى في البر كله .. مفیش

حد قادر یحرك قلبها ۱۰۰

مجاهد : انتی صحبتها وتعرفی أسرارها اکثر منی ..سبینا

م الموضوع ده ..ربنا اعلم بطروف الناس ..انت

عارفه إن ورايه شغل کثیر .

هدی : حاضر ..ح سيبك تشبع بخضرة لیل نهار .

(یتوقف عن التشخيص)

الزوي : مین اللى جايین دول ۱۴۰۰

عثمان : باين سيدهم وابنه غطاس ..

(يدخل سيدهم وابنه يحمل كل واحد منهما

سيدهم وغطاس : فأسه)

السلام عليكم ..

المجموعة : .وعليكم السلام .

سيدهم : دا أرضنا قريت تخلص .. الميه لمعت فيها ..

احنا جايين وفاكرين إن ح نقعد نتسامر معاكم

ساعة ولا حاجة لحد ما تخلصوا، وبعدين حنطلق

الميه ف أرضنا.

عثمان : لما لقينا الميه كثير وح تسبح على الجسور ..

صرفناها في أرضكم .

الزاوي : وهو الحساب على القيراط .. وكله منه .

غطاس : لما الكل يغرق سوا .. احسن كثير .. ولا نحتاج

حد يقف على حدود ويجسر عليها ولا حاجة

.. اهي الأراضي بتضرب الميه فيها مع بعضها

وخلص .

مجاهد : بس لازم حد يقف ع الحد الشرقي .

الزاوي : كويس اللي انت نبهتنا يا مجاهد ..

عتمان : صحيح .. دره "القنزاح" يغرق وما نخلصش .  
 غطاس : واحنا جايين كانت الميه قدمها كتير على ما  
 توصل .  
 سيدهم : ربنا يسترها .. بعد شوية .. ح اقوم اشوف .  
 عواد : انت جيت تقدير كام يا غطاس .  
 غطاس : عمرى ما ح اكون ربع آمال .. آمال بتموت ف  
 الموروث الشعبي دى كانت بتجمع مواويل  
 وحكايات من الزار اللى بتعمله مرات عمك  
 البرديني .. فكان استاذ الفن الشعبي بينبهر بيها  
 ويديها امتياز على طول .  
 هدى : يعنى تقديرك ايه يا غطاس ؟..  
 مجاهد : جيد طبعا .  
 غطاس : مش تبقى مجامل زى الدبلوماسيين كده يا مجاهد  
 " انا جيت مقبول على قد حالتى .  
 سيدهم : رضا .. المقبول عند ربنا كويس .. مش عارف  
 الواد ده خلص الكليه ازاي .. !! دا بيعلف بهائم  
 ويبتاخر .. مش عارف !!

- أمال : غطاس ده يا عمى "سيدهم" أشهر طالب فى  
الجامعة .
- سيدهم : ليه يا خى .. بيطلع الأول زيك .. ولا يمكن الواد  
بتاع ذئاب الجبل .. ولا يمكن زينه وما  
تعرفش...؟! .
- مجاهد : كل طلبه الجامعة تعرف اللى عمله غطاس .. لما  
جمع الطلبة المسيحيين اللى فى الجامعة وردوا ع  
الخونه اللى عايشين بره وبيقولوا إن المسيحيين  
متبهدين فى مصر ..
- سيدهم : (ثائرا) دول ناس خونه .. أكيد متبعين لأعدائنا .
- الزاوي : (بتأمل واستغراب) طول عمرنا عايشين سوا  
.. لو نزل واحد غريب بلدنا ما يقدرش يميز دى  
مسلم ولا مسيحى .
- أمال : انتوا عارفين مش بيقدر يميز ليه ..؟! .
- غطاس : عادى .. ناس بيتكلموا لغة واحدة .. عاداتهم وحده  
.. تقاليدهم واحده .. طموحاتهم واحده .
- مجاهد : (مقاطعا) كلامك ده يا غطاس هو اللى خلا

الزعيم الوطني "مكرم عبيد باشا" يقول (نحن

مسلمون ووطننا ونصاري ديننا)

عثمان : انت جيت يا سيدهم وقطعت سامرته .

سيدهم : نمشي تاني ..!

الزلوي : هو دخل الحمام .

سيدهم : هو دخل الحمام ..

سيدهم : الله يمسيه بالخير ويسترها معاه "ممدوح" كان

يموت في نصب السامر كل ريه .

المجموعه : ربنا يجيبه بالسلامه .

غطاس : ح تكوني دور ايه ؟

عواد : طموحك .. رجل اعمال .

سيدهم : انتوا بتتسامروا ف ايه .

الزلوي : حدوته خضره الشريفه .

سيدهم : دي حدوته تستاهل السمر .. بس هو راجل

اعمال كان موجود فيها ..!

عواد : احنا عملنا اللي بيعمله الفنان الشعبى .

غطاس : "مقاطعا" التغيير والتبديل عشان يخدم بيئته .

- آمال : المفروض نصفى تراثنا الشعبى وناخذ منه اللى  
يخدمنا.
- سيدهم : بس كده ..
- عثمان : "مقاطعا" ولا كده ولا حاجه ..دا تشخيص ..
- عواد : الناس لما بتكره شخصيه مش كويسه ..لو هيه  
جوه حد فينه ح يحاول يتخلص منها ..
- غطاس : بتاع مسرح بقى .. غطاس وعمى سيدهم رجال  
أعمال .. عفوا ..خونه .
- (يبدأ التشخيص)
- سيدهم : هيه خضره دى عايزه إيه ؟
- غطاس : عايزه تصحى ضمائر الناس وتخليهم يحبوا بلدهم  
ويتمسكوا بتعاليم دينهم وعاداتهم وتقليدهم ..
- سيدهم : يبقى عايزه تهد كل حاجه .
- غطاس : بعد ما نشرنا بينهم اللى يهدهم ..تجى خضره .
- سيدهم : (مقاطعا) مش ح نسمح لحد إنه يدمر كل اللى  
عملناه (يتوقف التشخيص)
- مجاهد : حضارات الفراعنة والرومان والعربية الإسلامية

- كلها ساهمت ف تكوين شخصيتنا .
- عواد : وكلها بتغرز جوانه حب الوطن والعمل والتفاني  
فيه والإخلاص ..
- غطاس : وبعدين معاكم ؟ انتوا ناويين تبوظوا السلم ولا  
ايه ؟!
- عثمان : لك حق يا غطاس .. لازم نلتزم شويه .  
( غطاس وسيدهم يعاودان التشخيص )
- غطاس : خضره عادت بالنسبة للشعب رمز لكل حاجه  
جميلة .
- سيدهم : لازم نتقلب الآية ونخليها رمز ...  
(يتوقف عن التشخيص)
- الزاوي : (مقاطعا) دنهم ورا ممدوح لحد ما سباب بلده  
وراح العراق .
- مجاهد : شلت فصده .. إزاي يسمحوا لواحد نضيف إنه  
يدخل وسطهم .
- هدى : بس ممدوح صمد .. دنوا وسطهم أربع سنين قيد  
حركتهم وكشف ورقهم .. اللوعيين .



- عواد : شباب البلد كويس برضه .
- عثمان : بس اللي عاملين زى البهايم كثير .
- مجاهد : الشباب اللي بيقول عليه عمى ده بيوظفه الفسدة لخدمة خططهم .
- غطاس : (باس) ممدوح ربنا يجيبه بالسلامه ..كافح كثير .. في الجامعة والنادى والجمعية الزراعية .
- سيدهم : (مقاطعا) ممدوح الله يمسيه بالخير ..جالى ف مره يتحايل عليه عشان أدخل انتخابات الجمعية الزراعية .
- عواد : دا حاول مع ناس محترمين كثير فى البلد .
- سيدهم : أصل الأماكن دى مشبوهة ..الى بيدخلها بيتلوث على طول .
- هدى : لو الكل يشارك ، ويسأل ويفهم .
- غطاس : (بسخرية) لو حرف شعلقه ف الجو .
- عواد : نرجع لسمرنا أحسن من الهم ده .. الدور دلوقتى على جابر وزبيده وخطوات تنفيذ مخطط تشويه خضره الشريفه .

(يعودان للتشخيص)

- هدى : دا تفكير شيطاني .  
عواد : الناس كلها بقت شياطين ياروحى .  
هدى : أنا خايفه .  
عواد : التمن يستاهل .  
هدى : الخوف بيموتتى يا جابر .  
عواد : كل ما تحسى بالخوف يا نن عينيه .. افتكري اننا  
ح نتجوز .. وبتمن العملية دى ح نعيش احنا  
وعيلنا زى الأمره .  
هدى : (تقترب منه) ما تتسبنش يا جابر .

(يتوقف التشخيص)

- الزاوي : مين اللى جاى بجرى ده ؟  
عثمان : باين القنزاح .. ياك ما تكونش الميه نزلت في  
الدره .  
سيدهم : دا الميه عمرها ما تكون وصلت الحد اللى بنا  
وبينه ..  
مجاهد : هيه أرضه إجار يابه .

- الزاوي : جده كان م اجرها من أبو رجب .
- سيدهم : غلابه والله ..دى آخر زرع لهم فيها .
- عثمان : بعد م كان هو وخواته بيزرعوا ف خمس فداين يبقئ مفيش حاجه خالص ..الناس دى ح تعيش إزاي .
- غطاس : ربنا مش بينسى حد .(يدخل عليهم القنزاح)
- القنزاح : انتم قاعدين تتسامروا هنا وسيبين الميه غرقبت الشوية الدرة ..!
- عثمان : إزاي . . ؟
- الزاوي : احنا ح نحقق يا عنمان ..ياله قوم فز نروح نمسك عليها .
- القنزاح : (بأس) الدرة ماعدشى نافع بعد كده .
- سيدهم : ما تقلقش يا قنزاح ح نصفيلك الميه منه ..والكيماوى كتير ح اجبك شوية نرميهم فيه .
- غطاس : مفيش حد بيضيع من رزقه حاجه يا عم القنزاح
- المجموعة : ياله ... ياله .
- (ينفض السامر ويهب الجميع)


ياله يا..له .

(نسمع هذه الكلمات والستار تنزل )

(ستار)

## الفصل الثانى

[ ٤٥ ]



### (نفس ديكور الفصل الأول)

عواد : إنا نبدأ صبح ف الفصل ده .. نقسم الأبنار  
تانى .. مشهد المحكمة ده مهم ..

آمال : محاكمة خضره ومفرح دى مهمه قوى  
.. الشهود الاربعه ح يكونوا مين ..؟

هدى : اتنين عندنا ها ياخدوا ادوارهم ..

عواد : وأبويه القاضى ..

مجاهد : خلى غطاس القاضى ..واللى واخدين ادوار

خضره ومفرح وجابر وزبيده وأم خضره زى

ما هيه .. والشهود عمى سيدهم وأبويه ..كل

واحد منهم ح يادى دور شاهدين ..

عثمان : ماشى يا عواد ..ياله نبدأ ..

(وبصق ثلاث تصفيقات)

(يعودون للتشخيص)

مجاهد : يا حضرة القاضى ..ما حصلش حاجه

..خضره شريفه خضره عفيفه (وينهمر باكيا)

همه اللي اشتروا مرتى .. عرفوا ان هى بتعبد  
المال وبتحقد على خضره العفيفه .. دى كدابه  
.. والله يا حضرة القاضى العادل .. كدابه ..  
زبيده مرأتى كدابه .

(خضرة تنظر بأسى إلى زبيدة)

آمال : دا مراته صحبتى .. زبيده صحبتى ..

ليه تعملى كده .. ليه .. ؟ (وتنهمر فى البكاء)

غطاس : المحكمة مش بتأسر فيها الدموع .. اللي بيأسر

فيها الأدلة والشهود (يشير إلى أحد الشهود)

احكى ايها الشاهد إيه اللي حصل ؟

إيه اللي انت شفته ؟

سيدهم : يا حضرة القاضى .. الست دى (مشيرا إلى

زبيدة) استجبت بيه وباصحابى م الشارع ،

وطلبت منا نروح معاها لبيتها .. صعبت علينا

رحنا معاها ..

القاضى : وبعدين .. كمل (مشيرا إلى الشاهد الآخر)

عثمان : المنظر اللي شفته .. الواحد يستحى إنه يحكيه .



سيدهم : القواعد الشرعية كلها كامله ف الواقعه دى ..يا

حضرة القاضى .

آمال : (في ذهل) عمرى م عملت حاجه شينه ف

حياتى ..بعطف ع الناس كلها ..كل اللى نملكه

سخرناه لخدمة كل حاجه جميله داخلنا .. ولما

قرب الحلم يتحقق تخنفوه !!.. ربنا شايف

وعارف ..مش عايز حد يقتله .

مجاهد : كل اللى انقال زور وبهتان ..ربنا عمره ما

يقبل الظلم ده !!..

(إذا كان هذا النص ينفذ على خشبة مسرح

تقليدية ..تطفأ الأنوار ما عدا شعاع من

الضوء يسقط على الزاوي وهو يدعو)

الزاوي : سيدى الزاهد أبو الفتيان العطاب القطب النبوى

أبو فراج ..ببركانك اظهر الحق وانصر

المظلومين .. وجازى الظالم .(بضاء المسرح

..فيرتبك الشهود وينهاروا ويبدءوا فى قول

الحقيقة)

سيدهم : يا حضرة القاضي .سامحني ..سامحني .  
 غطاس : أسامحك على إيه ؟!..  
 سيدهم : المره دهيه (مشيرا إلى زبيده) بتعشق جابر  
 وهو اللي جابنا من الحانه وادانا تمن شهدتنا  
 الزور ..  
 غطاس : الكلام ده صحيح يا جابر ؟!..  
 عواد : يا حضرة القاضي مليش ذنـب ..المره دى  
 (مشيرا إلى زبيدة) بتعشقنى .  
 هدى : جابر .. اسكت .  
 عواد : (مكملا) غررت بيه ..عايزه المال وعايزانى  
 ..أنا مليش ذنب يا حضرة القاضي ..سلمحني  
 ياخضره .  
 هدى : يا خداع ..أنت اللي خطتت .. أنت اللي  
 اقترحت .. أنت اللي جيت لى التمن  
 ..سامحني يا عفيفة يا شريفة.  
 غطاس : مين اللي دفع التمن ؟!.. اتكلم يا جابر ..  
 عواد : من شيخ الصناع وشيخ التجار ..جمعوا من

بعضهم وادونى .. عشان يلوثوا خضره ممكن  
يدفعوا مال الدنيا

مجاهد : مش عايزين ناس تحرك الشعب لمصلحتها  
.. عايزينه ياكل ويشرب ويلبس ويتكلم ذى  
البعد .

آمال : باختصار يا حضرة القاضى .. عايزين شعبنا  
ينسى نفسه .

غطاس : ماخنا ممكن نقلدهم ف اهتمامهم بالعلم والعمل  
والتميز

مجاهد : همه عايزين شابنا يقلدهم ف الخيانه وبس ..  
غطاس : دا مخطط كبير بقى .. لازم نقف ضده بكل حزم  
.. حكمنا على الخونه بما حكم الله به عز وجل .  
(يرتجلون أغنية تمدح خضره الشريفة)

عواد : بعد ما شفتوا ربنا كشف الحقيقه للناس كلها  
.. ملك البلاد طلب انه يقابل خضره .. مين ح  
ياخد دور الملك ، ومين ح ياخد دور الوزير .. ؟  
آمال : مجاهد ياخد دور الملك .. والوزير يبقى غطاس

- عواد : ماشى نبدا ...  
 (يصفق ثلاث تصفيقات)  
 مجاهد : مبروك برأتك يا شريفه .  
 آمل : الحمد لله يا مولاي .  
 مجاهد : أى حد شارك فى الجريمة دى ح ينول عقابه  
 ..القضية دى فتحت عينيه على حاجات خطيرة  
 آمل : دى مخطط يا مولاي بيساهم فيه كل أعوان  
 البعده .  
 مجاهد : والعمل يا شريفه .  
 آمل : الشعب كله يا مولاي مفروض عليه ينضف  
 بلده من فسادهم ..كل فرد من الشعب لازم  
 نغرس فيه المقاومة والصمود ضد كل اللي  
 يمس شخصيته واستقلاله .  
 مجاهد : أى حد ح يثبت إنه تعاون معاهم ح اعاقبه .  
 آمل : المفروض يا مولاي ..نعرف الأول الحاجات  
 اللي ساعدت ف دخولهم جوانا ..الشعب كله  
 لازم يتحمل المسؤولية.

مجاهد : يا وزير خلصت التقرير الى طلبته منك عن

علاقتنا بالبعده .

عطاس : نعم مولاي ..بيحكم علاقتنا معاهم التزامات

واتفاقات ..قضت على اغلب القيود اللي كانت

بيننا زمان .

مجاهد : ازاي نرجع زمان تاني ؟ عايزين نحافظ على

اللي باقى جوانه من حاجات أصيله .

عثمان : مش ممكن مولاي ..عشان احنا لو عملنا كده

يبقى ح نخل بالعهود والاتفاقات اللي موقعينها

معاهم ..ح نفقد سمعتنا بين العالم .

عواد : مولاي ..الوحيد اللي يملك المقاومة من غير

قيود ..الشعب مولاي ..والناس الواعيه اللي

فيه ..الإصلاح لازم يبدأ م القاعدة .

مجاهد : علينا ان نحاول نخلق توافق بين الاتفاقات دي

..والحاجات اللي بتميز شعبنا ..

آمل : علينا ان نتمسك بروح الأسرة ونتصل بجذورنا

ونقوى روح الانتماء للوطن .

( يتوقف التشخيص )

- الزاوي : مين اللي جايين بعيد دول .. ؟  
عثمان : أى حد .. الشباب الفاضى بيحب يتسكع فى الليل  
عواد : خرينا ف سامرنا ... المشهد اللي بعد كده  
خضرة ومفرح مع مشاعرهم .

( يصفق ثلاث تصفيقات )


- مجاهد : الملك كان عايز إيه .  
آمل : بيهنينا بالبرأه .  
مجاهد : الوقت ده كله ..!  
آمل : واتكلمنا ازاي نصلح حال بلدنا .  
مجاهد : الله عز وجل اللي اتقننا ببركات سيدى السيد  
البدوى .. قادر انه يحفظ بلدنا .  
آمل : العدل أن نكون إحنا الألف ف العالم .  
مجاهد : العواطف مش بتعمل حاجة .. صحيح إحنا نملك  
كثير بس ازاي نعرضه ونوصله ..!  
آمل : كلامك صحيح .. على الأقل نغرسه جوه شبابنا  
مجاهد : انا خايف عليكى ياروحى من مكايدهم

..اعوانهم مالبين البلد ..انتى مش ملك نفسك  
دلوقتى ..انتى ملك زوجك وحبيبك وابن عمك  
مفرح ..

(يتوقف التشخيص )

مجاهد : دا اللى جاى ممدوح ومعاها صحابه .  
الزاوي : (مندهشا) ممدوح .. انت بتحلم يا مجاهد ..!  
عواد : دا حقيقة يا عمى .. زميله من اسبوع قال لنا  
:انه ممكن ييجى ف أى وقت ..(يقف الجميع)  
المجموعه : ممدوح ... ممدوح ... هو .. والله هو  
..متغيرش ..مشيته زى ماهيه ..ابنى ..!!  
(يستمر هذا الكلام مع نزول الستار )


(ستار)





## الفصل الثالث

[ ٥٧ ]



### (نفس ديكور الفصل الأول)

- مدوح : انتو كنتوا بتتسامروا ؟..  
عواد : وانا المخرج .  
مدوح : كويس ان لسه باقى حاجه اصيله بينكم !..  
غطاس : بلدنا عمره ما تخلي .. مش احنا اللي بنقسول ..  
الرسول والانبيا وتعاليمهم بنقول كده ..  
مدوح : متغيرتش يا أبو الغطس .. وقفنك معايا وانا لسه  
ف النادي ما نتتسش .  
مجاهد : لازم تتسى النادي واللى فيه .  
الزاوي : ده شغل عيال يابنى .  
عثمان : هى الاماكن دى بيدخلها واحد نضيف .  
سيدهم : لما الشباب النضيف ده ماشاركش ببقى حا  
تخرب .  
آمال : ابسط حاجه بتحققها المشاركة .. انها بتعزى  
الفساد .  
هدى : حتى لو انتصر ؟..!

الزاوي : سبيونا م النكد ده .. احنا مش ح نصلح الكون

..الحرام مايبينفعش !.

نوال : احداشر سنه يا ممدوح ..ده عمر ..كنت عايش

ازاى ..وشغال فى ايه ..ازاى استحملت المده

دى كلها فى الغربه ..!!

غطاس : والعراق بالذات ..دا مخنوقه ..!

ممدوح : ما انت عارف يا مجاهد انى كنت شغال فى

شركة بترول ..!

مجاهد : بس بعد حرب الخليج الثانية انقطعت

اخبارك ..!

ممدوح : البلد كانت ظروفها اتبليت ..منعوا كل حاجه

عنها ..لو كانوا يملكوا بمنعوا الهوى كانوا

عملوها ..والشغل وقف ..

الزاوي : وكنت عايش ازاى ..؟!

ممدوح : ف الساحة ، اشيل حاجه ،احط حاجه .

عثمان : وايه اللى صبرك ع الغلب ده ..؟

ممدوح : قلت ح ارجع اعمل ايه ..وهوه فيه حاجه هنا

تستاهل ..قلت اصبر يمكن ترجع زى ما كانت  
..ولما عرفت ان ما فيش أمل ..رجعت ..قلت  
اقعد بين اهلى وناسي احسن .

غطاس : دى البلد هنا مليانه مشروعات ..بس عايز اللى  
يشتغل

ممدوح : نفسنا بلدنا تبقى كويسه ..نفسنا ما نبعدش عنها  
..نفسنا نترمي ف حضنها ..ومانفترقش أبدا .

آمال : كلامك ولا كلام الشعرا .

عواد : مش بالكلام يا خويه بتتحقق الأحلام .

غطاس : بس لازم نحلم .

ممدوح : ايه الأخبار هنا ؟..

غطاس : زى ما سبيتنا ... النادى ، الحرمية اللى فيه  
وقعوا في بعض ..واتلموا تانى .

ممدوح : بشرة خير ..والناس رأيها ايه ؟.

مجاهد : زى ما همم ..بيقولوا دول شوية حرمية عايزين  
ينهبوا وبس .

ممدوح : الناس ح ادنها سليبه لحد امتى ؟! ..لازم

بتغيروا!..

- سيدهم : المفروض الاصنام دى تتغير .  
عواد : ويحل مكانها ناس حيه .  
الزاوي : ح نرجع تانى للمسخرة وقلة الأدب !..  
آمال : الناس عامله إيه ف العراق دلوقتى يا  
ممدوح...؟  
ممدوح : أنا شايف إن الحصار ده ح يفيدهم ..بقوا  
يعتمدوا على أنفسهم في كل حاجة .  
غطاس : والأطفال اللي بتموت !..  
ممدوح : المشكلة في الدوا ولبن الأطفال .  
عواد : المشكلة ان العرب مش عايزين يقعدوا مع  
بعض .  
عثمان : اللي حصل سايب رواسب جامده بينهم ..  
آمال : يعنى البعده اللي بيقعدوا معاها مش سايبين  
جواهم رواسب .  
عواد : باين علينا بننسى بسهولة .  
غطاس : العرب مساكين ..مغلوبين على امرهم .

عثمان : السياسة نجاسة .. خلىنا ف نفسنا .  
آمال : ممدوح اللي كان بيموت زمان ف قعدة السم  
.. دلوقتى !..  
ممدوح : (مقاطعا) عمرى ما انسى قعدة السم .. دا أنا  
من حبي فيها عملتها ف الغربية مع ولاد بلدنا  
.. طب وانتوا كنتوا بتتسامروا في إيه ؟..  
عواد : ف حدوة خضره الشريفة .. ووصلنا لخطف  
الكفرة لخضره .. يبقى ح نتسامر ف المواجهه  
اللى حصلت بين خضره وبين كبير الكفرة .  
ممدوح : أنا حا اخذ دور كبير الكفرة ، ومين اللي واخذه  
دور خضره ..  
عواد : آمال  
ممدوح : توكلنا على الله .  
مجاهد : إيه اللي بتهيبوه ده ؟.. انتو كده بتشوهوا  
الحكاية .. المفروض نوقف شويه عند خطف  
خضره .  
عواد : قصدك إيه يا مجاهد ؟..

مجاهد : الكل لازم يعرف خطة الخونة لخطفها  
وتشويها .

آمال : صحيح دا مهم جدا ف الحكاية ..

عواد : نبدا .. أم جابر وعم سيدهم بيعدوا لتنفيذ الخطة  
.. (نسمع ثلاث تصفيقات)

نوال : المفروض أنى ..

سيدهم : مش ح ادنك خدامه طول عمرك .. من حقك  
تعيشى .. من حقك تتحكمى وتأمري .

نوال : من حقى ان اخذ بتار ابنى .. عايزه اعمل  
حاجه ..!

سيدهم : كل اللى عليكى تسحبى لينا خضره ناحية البحر

نوال : سهله .. ف المغربية ح تكون هناك .

سيدهم : بس عشان تتجج الخطة ..

نوال : نعمل إيه يا خويه ؟!

سيدهم : نقول للناس إن حالتها النفسية زفت .. إزاي  
الناس تقابل الخير بالشر ؟! وتقولى واحنا على  
شط البحر جريت من ريحي ورمت نفسها ف



البحر .

مجاهد : (يتقمص شخصية مفرح) الكلام ده مش

صحيح ..بعد برأتنا ..نفسيتها كانت ف السما

..أكيد الخونه والبعدو ورا المصيبة دى ..!

المجموعه : راحت فين خضره ؟

ليه عملت كده ..؟

احنا محتاجينها ..هيه ماعملتش حاجه ..!

الكفرة الخونه همه اللي بيعملوا الشر ..!

عايزين يخنقوا كل حاجه كويسه ف البلد ..!!

الزاوي : (يعود لشخصية والد خضره) بنتي مؤمنه ..أنا

عمري ما اصدق التخاريف دية ..أنا مش ح

انتقل من عند سيدى أبو فراج لحد ما اتبان

الحقيقه ليه وللناس ..

عواد : (يوقف عملية التشخيص) بان لنا دلوقتي أهمية

المشهد ده ..

ممدوح : مجاهد عنده حس فنى عالى ..

غطاس : باين السامر ح ياخدنا ، والميه ح تفرق الدنيا .

سيدهم : ح اروح أنا وغطاس نشوف الأرض اتملت ولا  
لسه ..

مجاهد : خدوني معاكم يا عم سيدهم ..

سيدهم : خليك ..وهو احنأ ح نعمل حاجه ..! دا  
الأرض مطلوقه ف بعضيها .

غطاس : دا أحنأ ح نطل عليها وبس ..لتكون اتملت  
واتغرق الدنيا ..مش ناقصين القنزاح بصوت  
تاني زى النسوان

ممدوح : بس ح تسيبوا أهم مشهد ف السامر !..

غطاس : ح نبقى نعيده تاني م الأول .

سيدهم : مدام الرب جابك بالسلامه ياما ح نتسامر ..

(يترك سيدهم وابنه غطاس مكان السامر)

عواد : نبدا في مشهد المواجهه بين آمال (خضره)

وكبير الكفره (ممدوح)

(يصفق ثلاث تصفيقات)

ممدوح : م التقارير اللي وصلت لى .. اتخيلت انك

- دميمه ..أول مره اتوقع غلط ..
- آمال : دايما أنت بتغلط ف توقعاتك .
- ممدوح : باين لسنك زالف شويه يا خضره .
- آمال : (بسخرية) تقاريرك بتقول كده .
- ممدوح : ليه بتحاربينا ؟!..
- ليه بتحاولى تدمير خططتنا ؟!..
- آمال : خططكم كلها شيطانية ..عايزه تدمر الدنيا وتبلعها .
- ممدوح : ربنا خلقنا عشان نكون أسياد الكل ..ليه ما نحافظش على كده ؟!..
- آمال : عشان كده بتدمروا كل حاجه كويسه ؟!..
- ممدوح : وايه اللى دمرناه ؟!..
- آمال : ح اقول ليه ولا ليه ؟!..
- ممدوح : قولى اللى انتى عايزاه .
- آمال : هوه تدميركم تاريخ الأمم وتشكيكم ف أى قيمة محترمه وفرض عاداتكم وتقليدكم على الدنيا كلها مش تدمير ..من حقنا أن نحوش عن نفسنا

- ممدوح : مش كل حاجه ح تقدرى تقاوميه .
- آمل : لا .. كل حاجه نقدر نقاومها ..
- ممدوح : ماشى يا خضره .. تقدرى تقاومى التطرف ،  
المخدرات ، الكتب والمجلات الخليعة ، والفساد  
، الرشوة .. قوللى إزاي ؟..!
- (يتوقف التشخيص)
- الزاوي : دا الكفرة دول ورا كل مصيبه بتحصل لينا ..!
- عثمان : والغريبه يا أخى بيوصلوا لينا إزاي مش  
عارف ..؟
- هدى : بجوسيسهم الموجدين ف البلد ، واتصالاتهم  
الخبينه ف الإعلام ، خلتهم مسيطرين على كل  
حاجه ..
- الزاوي : يبقى كلامكم صحيح يا ولاد .. لازم نقف مع  
كل حاجه حلوه فاضله بينا ونقويها .
- عثمان : ده أول سامر ح يفيدنا .
- الزاوي : عايزين نجوزك يا ممدوح ..!

- ممدوح : لسه بدرى بابا ..
- الزاوي : بدرى من عمرك ، لابدرى وحاجه بابنى ،  
شقتك موجوده ولو وقفت خالص ومالقيتش  
شغل ، يبقى اسرح ف أرضنا .. بقول لك ايه ،  
ايه رأيك ف هدى بنت عمك ؟..
- ممدوح : (ممدوح يظهر على وجهه الحياء) اللى تعمله  
بابا ..
- (المجموعة الكل يبارك الخطيبين في فرح)
- عواد : فاضل حاجه بسيطة ف الحدوته ح اكملها أنا ..  
(ياخذ دور الراوي)  
(يدخل غطاس وأبوه سيدهم)
- سيدهم : تعالوا نبطل المكنه ..الميه ملت الأرض ..  
(يدعوا يهمون بالحركة)
- عواد : رايحين على فين ؟..
- اقفوا ما انى لازم اكمل الحدوته ..
- الزاوي : ما اكمل يا عواد فيه حد حاشك !..
- عواد : (مكملا الحدوته) استجاب الله عز وجل بفضله

بركات سيدى أبو فراج دعوات أبو خضره  
الشريفه وفك أسرها من أيدي الكفرة ورجعت  
خضرة لحبيبها مفرح ولبلدها عشان تبني اللي  
هذه الكفرة جوانا ..

وُردد الجميع في صوت واحد ..

الله الله يا بدوي جاب اليسرا

الله الله يابدوي جاب اليسرا "

(وظل الجميع يرددون هذه العبارة مع نزول

الستار)


(ستار النهاية)

# شيد العمامة

( مسرحية من فصل واحد )

---

عن قصة " شيد العمامة " للأديب إبراهيم عطية من المجموعة القصصية " طعم الرجوع " الصادرة عن  
سلسلة إبداعات - الهيئة العامة لقصور الثقافة ١٩٩٨.





يرفع الستار عن مسرح مظلم ، ما عدا شعاع من  
الضوء ، يسقط من أعلى على وجه شاب مريض  
بالحمى ، ممدد على حصير من السمار ، ومغطى  
نصفه السفلى بحرام من الصوف بالنصف الأيمن من  
المسرح ، ينتفض الشاب من تأثير الحمى ويهلوس  
بكلمات :-

- مش ح لبس عمة جدى .. مش ح لبسها خالص ..
- أنا لبستها من وراكى يا جدتى ..
- كنت عايز أجربها !..
- عرفت إنها معدنش تتفع ..م تقطهاش.شلتها وحطتها مكانها
- أكيد هى اللى تعبتنى ..لما شلتها ..خدت برد .. وزفزقت
- .. وقعدت في الشمس ، فضربتنى ..
- أوعدك يا جدتى إنى ما عننش لابس عمت حد ..
- ح البس العمه اللى تتاسبنى وتتاسب وقتى ..
- أوعى تظنى إنى ح البس برنيطة زي الخواجات ..
- مش ح البس عمت جدى .. مش ح البسها ..

" بضاء النصف الأيمن من المسرح فتظهر سمات  
البيت الرفي البسيط .. تدخل الجدة بسرعة وأمه  
خضرة مسرعتان متلهفتان ، تأخذه الجدة في  
صدرها .. "

الجدة : هي اللي صابتك يا نن قلبي ..  
خضرة : (بعد أن وضعت يدها على جبهته فزعرة ) دا  
جسمه قايد نار يامه ...!! (جسمه ينتفض  
ويتحرك)

الجدة : والنبي أنت محسود ..  
خضرة : أرقه يامه .. يمكن ربنا يجيب الشفا على  
اديكي -

الجدة : هاتيلي حبة ملح أبيض  
(تحضر خضرة الملح بسرعة وتعطيه إياها)  
(الجدة وهي تحرك يدها عليه من رأسه حتى  
قدميه )  
أعوذ بالله من الشيطان الرجيم .. بسم الله

الرحمن الرحيم .. رقيتك واسترقبتك

من كل عين رزيه

رقيتك من عين أمك ، ومن عين اللي نظرواك

وشفوك ومصلوش على سدنا الحبيب النبي

حصنتك من كل عين رزيه ..يا بن خضرة

عين المره فيها شرشرة ، عين الراجل فيها

جلال تنقلع باذن الله القوي ، عين الحبله فيها

إبرة ، عين الولد فيها وتد ، عين الجار فيها

محوار ..تنقلع باذن الله القوي ..

(وصنعت الجدة عروسة ورق وأمسكت إبره

وقالت وهي تخرم بالإبرة في عروستها الورق)

حصنتك من عين أمك ، وعين عيشه ، وعين

خديجة .

(تضع الملح مع العروسة في النار الموجودة

على المنقد )

خضرة : الرقيه دية إنشاء الله ح تريحه ..

الجدة : أنا بعث للشيخ " زيدان " عشان يجي يشوفه .

(يسمع صوت رجل بالخارج ينادى )

زيدان : يا بت يا خضرة ..يا خضرة .  
خضرة : باين عليه الشيخ زيدان .. طيب حاضرح  
افتحك أهه

(تفتح الباب ويدخل زيدان ..)

زيدان : مال الواد العفريت ده .. اللى دايمما يشتم فينا ..  
الجدة : شوفه ياشيخ زيدان ..أنا بعثالك عشان تشوف  
ماله .

(بعد أن يتحسس جبهته ، يلف حوله ويتصنع  
الاتصال بشئ وهمى .. يقف صامتاً برهة ثم  
يقول ..

زيدان : الواد ده ممسوس .  
الجدة : أعوذ بالله ..يجعل كلامنا خفيف عليهم .. يا  
حفيظ

خضرة : والعمل يا شيخ زيدان .  
زيدان : يبطل كلامه الفارغ عن الأوليه ، ومنع الناس  
عن زيارتهم والنذر لهم ..

- الجدّة : هوّه حد بيسمع كلامه ..
- زيدان : أصحابه ..واللى من سنه واللى بيتعلموا معاه  
في المركز ..هوّه اللى بيعصبيهم .
- خضرة : هوّه ده اللى ح يعالجه .. لو أبوه الله يرحمه  
موجود كان فهمه ..
- الجدّة : هوّه اللى فاضلي من ريحة المرحوم .. وح  
يعمل كل اللى أنا عايزاه ..هوّه مش بيرفضلي  
طلب .. المهم تدعيله بالشفاء وتعالجه من المس
- زيدان : ذى وعد شاهد عليه شيخنا سيدى الحناوى ..  
طيب رش على عتبه الدار كل يوم الصبح ملء  
نجس ، وتدفنوا تحت العتبه سبع حبات ولقمسة  
عيش وحبّة ملح .. وتندروا حاجه لسيدنا الشيخ  
الحناوى .
- الجدّة : مدد .. مدد يا سيدى الحناوى .. لو شفيت لسا  
الولد اللى حيلتنا ح نسقى مريدك شربات لمدة  
اسبوع وح نوكلهم فول نابت .
- زيدان : ح تشفيه بركات سيدى الحناوى لإنشاء الله ملادم

ندر توله وح توفوا بالنذر .

(يخرج زيدان ، وتقف خضرة في حالة  
سرحان)

- الجدّة : مالك يا خضرة ..؟
- خضرة : الواد ابن عيشه والواد ابن خديجة ..
- الجدّة : (فزعة) مالهم .. همه اللي فاسدين الولد .
- خضرة : أول ما عرفوا طلّعوا يجروا ع المركز يجيبوا  
دكتور
- الجدّة : وح يعمل إيه الدكتور ..؟! ما احنا جينا لأبوه  
الدكتور قبل كده عمله إيه ..؟!
- خضرة : ما احنا جينا له برضوا الشيخ زيدان .. عمل  
إيه ؟!
- الجدّة : الأعمار بيد الله .. كل واحد له ساعته يلابنتي ،  
مقدر ومكتوب ومفيش منه مهروب ..
- ( تسمع طرقات على الباب ، فتتجه خضرة  
لفتحه ، يخل شابان في صحبتها الدكتور في  
يده حقيبتيه ، ويقترب من الولد النائم ، ويتحسس

جبهته وجسده )

الدكتور : دا عنده حمى شديدة .. هو زيك يا شباب في التوجيهية .

أحد الشبان : أيوه يا دكتور .

الدكتور : (وهو يكتب روشنة العلاج) بسرعه من فضلكم.

الشاب الآخر: في ثواني ، مسافة السكة ح ارجع زى الرهون.

الدكتور : احنا محتاجين اللي زيه .. ربنا يخليكم لبلدكم .. ما تخافوش عليه ح يبقى كويس ، المهم العناية ..

(تطفأ أنوار المسرح ، ما عدا شعاع من الضوء ، يسقط على الشاب المريض بالحمى الذي يقوى ويتحرك مع نغمات أغنية شعبية توحى بالأمل في بكرة )

تنتهى الأغنية ، تضاء أنوار الجانب الأيمن من المسرح )

تدخل الجدة على الشاب بعد أن يعافى )

الجدّة : مادامت بركات الشيخ الحناوى حلت ببك وشفتك  
لآرم نوفى النذر ..

الشاب : الشيخ الحناوى يا جنتى مش بيشفى حد ، ربنا  
إلى بيشفى يا جنتى .

الجدّة : (بحزم) أتى وعدت ولآرم أوفى .. اللى مش  
بيوفى بتحل عليه نقمات ولغات الشيخ الحناوى  
.. أنت ما سمعتش عن حكاية خالك "زكية"

الشاب : تلاقى "زيدان" أبو كرش هو الذى عملها عشان  
الناس يدنهم مرتبطين بعبادات وتقاليده متخلفه هو  
بياكل من وراها.

الجدّة : وهو الذى عمل كده فى بهائم عمك رمضان

الشاب : أبوه هو الوحيد المستفيد ..

الجدّة : أنا قلتها لآرم نوفى بالنذر .. (وتترك المكان  
وتخرج)

(تطفأ أنوار المسرح ، ماعدا شعاع من الضوء  
يسقط من أعلى على الشاب وهو فى حيرة من  
أمره )



الشباب

: ح اعمل إيه بس يا رب .. لازم أعمل حاجة ..  
قويني يا قوى .. عمرنا ما ح نتقدم كده ..!  
عمرنا ما ح نعرف ندافع عن نفسنا كده .. لازم  
نتغير !!..

(يطفا المسرح ، ويضاء الجانب الأيسر منه ،  
فيظهر مقام الشيخ الحناوى ويطوف حوله الناس  
، ويقبلونه والشحاذين والمريدين .. وتظهر  
(خضرة والجدة) وهما يوزعان الشربات والفول  
النابت ، والشباب وأصحابه ينظرون بتأمل لما  
يحدث !!..)

الشيخ زيدان: (نظر إليه الشاب بسخرية ، وزيدان يشرب  
الشربات بنهم .. ربنا يهديك يا بن خضرة .  
(نظر إليه الشاب بسخرية ، وزيدان يشرب  
الشربات بنهم .. ربنا يهديك يا بن خضرة .  
(يقرب الشاب من المقام وينظ إلى العمامة ،  
ويدخل يده ويشدها ، فتقع على الأرض ويصرخ  
حرام عليكم باتاس .. اصحوا بقى .. بصوا  
حوالكم .. شوفوا الناس بتفكر إزاي .. لازم نتغير

.. لو كنا ، لازم نفكر ما ننساقش ورا حد

لازم نفكر .. لازم نتغير ..

(وثار الشباب وردد في صوت واحد عدة مرات )

شد العمة شد

تحت العمة فرد .

حتى تسدل الستار

(ستار النهاية)

## **المحتوى**

**١- عودة خضرة الشريعة .**

**٢- شد العمامة .**

## المؤلف

- عبد الله مهدى عبد الله .
- مواليد قرية (كراديس) - مركز ديرب نجم - محافظة الشرقية .
- حاصل على ليسانس آداب - قسم لغة عربية ودبلوم الدراسات العليا في التدقيق الفني من المعهد العالي للنقد الفني - أكاديمية الفنون المصرية .
- نشرت أعماله الإبداعية (قصص - دراسات أدبية - مقالات أدبية - مقالات سينمائية ) في العديد من المجلات والدوريات المصرية والعربية .
- حصل على العديد من الجوائز في مسابقات القصة القصيرة والدراسات النقدية في مصر وخارجها .
- صدر له :-
- إضراب عمال الجبانات - ثلاث مسرحيات قصيرة - عن الشركة العربية للنشر والتوزيع - القاهرة - أغسطس ١٩٩٨م
- عودة أصحاب الرؤوس السود - مسرحية من ثلاثة فصول - دار الوفاء لدنيا الطباعة والنشر - أكتوبر ١٩٩٩م
- خيول النهار - كتاب الأبناء مشترك - هيئة قصور الثقافة .

- القصة القصيرة المعاصرة (دراسة ومختارات) أصوات معاصرة  
العدد ٦٨ - إبريل ٢٠٠١ م .
- ترانيم شرقاوية - (مشترك) مديرية الشباب والرياضة بالشرقية.

رقم الإيداع بدار الكتب

٢٠٠٢/٤٧٥٨

دار الإسلام للطباعة والنشر

٠١٢٢٦١٤٢٦٢ -٠٥٠/٢٢٥٠٤٥٢